

siaiapaku karitaruamacici

tam marumukuaku tumaluluvu sikuraraua miararuma taruamacicia  
karitahlana, kuhlaisai mupapiahlicuaku tumaluluvu, ucani pakaritukuhla  
taruamacicia mamisaka, kuucani tahlana Hla’aluana, tumaturu mumua  
tahlana Sumukuhlu, kuhlaisai tamucuaku uapapapalu kurarau taruamacicia  
kani’ina. ta’iaraisaka kuucani tuahlu siusuaturua kari Hla’alua hla vunguka,  
Hla’alua tuahlu mumua pautuahlangi kari Sumukuhlu hla vunguka.

ulavaisa miungucua arisataruamaciciansa, kumitaku rahluacu kuakiti  
laulaavu mamaini Hla’alua hla maru mumua hlamuna pautuhlangia laulaavu  
mamaini Sumukuhlu, rianuamu hliangahli tukuhlu miararuma, tukuhlu  
ariatukurana mucukuhlu, tuahlu maru nani tarucucuvungu, apususuacuamu  
amaimaini taruana, macu angahla taruanahlamu ia, lukuhlu taruana, ucani  
avakulahlu ia, maci tarisia makuavau ia, tarisi tatukuhluka sikuatitipaisa,  
tumimahla sitarisia, maci mutuahlu kicualu ia taisa piracaucaua, kuhlaisai  
maniki pasaulaula’u ahla umaiapu arupapiavalu uka’a  
pacalicalihli. pasaulusu laulaavu umiipu kulusu uumu uuru tam  
hliasasangaru.

miungucu siautulua ari, ihlaisa asasangaraku ta’iaraisaka, mura

rumamuvuvulunga kumita apaihlipihla sasaruana, maruamu sala’ a  
arupatiakili umiavavahlira masaku, micalivi tihlivi rianu apaihli ihla sala’a,  
pakita ihlaku mavacangu vuvulunga, ulavaisa miungucumu hlasali,  
hliparana ahlama kiariari, maniki maravuvulungacu ia, apumia  
hlikisucacania pakiaturuana, pahlumiamia sasaruanana rumahlu, rumiaku  
atuhlungu sapi hlicaliva nanina, ausia tacacurunaku puaili  
salia. taruamacicia kani’i mahlutaisacuaku, pautuhlangimana kari hla  
vungukaisa Sumukuhlu, hla mataingalu asasangara ia, taruanahlamu lukuhlu  
atuahluamu kicualungahlana, kani’i mavacangu pahuailiana, kuaku asapu  
miungu ariari.

(文章大意 僅供參考) ※字數限 200 字

### 我的族語夏令營

我喜歡參加部落辦的族語夏令營。今年很不一樣，不只能學習拉阿魯哇的語言和傳統文化，也能認識布農族的語言和文化。夏令營當天，我們分成數個小組，我是雲豹隊，各隊在比賽歡呼時會有各種動作，聽說第一名有大獎，不管遊戲或上課都不會放過搶答。

尋根活動到森林裡探險，路上常有驚險，但也讓我看到深山裡的美景，來到祖先以前居住之地，透過老師講述，我有種回家的感覺。夏令營讓我成長許多，我永遠忘不了這美好的回憶。